

永昌府地輿志卷四

疆域

永昌古哀牢國九隆代替六詔相侵月異而歲不同
無所為疆域也迨宋祖玉斧之劃已舉全滇而棄之
於永昌何有今車書一統萬里懷柔測景望風罔不
率服四履之盛古所未聞也官斯土者嚴內外之限
斯伏莽無虞慎郊圻之守斯民志有定凡勸農敬教
戢暴詰戎一一經理於平時周防於無事將西南萬
里而遙莫非德澤之所涵濡風聲之所鼓動永奠於

地輿志疆域一

坤維矣至形勢之強弱郵遞之遠近則又審詳緩急
之道寓焉顧可忽乎志疆域

永昌府為滇西遠郡屬永昌道其地東南至右甸永昌
坡交順寧府界一百四十里西至隴川土司界三百
里南至孟定土府界八百七十里北至大理府雲龍
州界二百五十里東至蒙化廳漾濞界三百三十五
里西南至潞江土司界一百二十里至龍陵廳三百
六十五里至騰越廳三百六十里東北至永平縣一
百九十里東西廣四百四十里南北袤一千一百二

十里由府東至大理府三百八十里東南至順寧府
二百八十里至省一千二百里至京一萬一千八百
一十里其西南諸彝之境五百二十五里至南甸宣撫司又六百八十五里至干崖宣撫司又一千七百二十里至猛密宣慰司又九百里始至寶井又一千一百六十里至木邦宣慰司又三千里有奇至南海

保山縣附郭東至右甸永昌坡與順寧府交界一百四十里西至上江古里喧交界五百里西南至騰越廳分水嶺交界一百六十里正南至改設龍陵廳以潞江為界一百里東南至老姚關外上司交界一百六

十里正北至雲龍州崇山交界二百五十里東北至永平縣二天井交界一百九十里

龍陵廳在府正南東至潞江交保山縣界二百五十里南至宛頂交木邦界二百八十里西至龍江等插渡口交騰越廳界九十里北至蒲蠻哨交騰越廳界二百五十里西南至遮冒交南甸界二百二十五里東北至蠻連交騰越保山界二百七十里東南至等谷交鎮康界二百五十五里西北至猛卯交騰越廳界一百六十里

騰越廳在府西南距城三百六十里東至潞江土司界
一百六十里西至滇灘關外野人界二百里南至曩
宋閣接南甸界七十里北至馬面關外小茶山界二
百四十里東南至南甸小隴川界一百五十里西南
至干崖土司界一百八十里東北至保山屬上江十
五里界二百五十里西北至小茶山境三百里又至
龍陵境二百三十里東西廣三百二十里南北袤四
百五十里

永平縣在府東北東至漾濞交蒙化廳界一百四十五

里西至叮當山交保山縣界六十里南至稻梯交順
寧府界六十里北至乾海子交雲龍州界八十里東
西廣二百四十里南北袤一百四十里

永昌府地輿志卷五

形勢

從古論治術講攻守者必究形勢雖都會郡邑大小不同總之乃一方扼要所在也滇省古西南徼外之地而永郡尤為極西邊界其間華夷錯處昆連外域無之山深箐密道途險塞均非腹內郡縣可比留心政治者必須講明要害築關守隘所以為

國家固金湯奠盤石也至若道里之遠近地土之豐瘠市垣之華美猶後耳志形勢

永昌府西極南隅界華彝於一綫豹關虎旅咸控引於

聖門舊志

滄江怒水為襟帶於東西九隆三崇作屏藩於左右

據八關二堡之形勢扼三宣六慰之咽喉

通志

寶蓋高臨羣山環拱地開沃野固西迤之名區域擁金湯實極西之重鎮遙羈六慰雄控制於中原內附八司列屏藩於三面洵滇西之鎖鑰也

龍陵廳地界兩江境通八隘深嵯絕澗峻嶺重巒保障三司作西南之鎖鑰屏藩一郡扼宣慰之咽喉

騰越廳離郡四站路隔兩江控制麓木諸司為出緬門

戶通志

孤懸天末接壤殊方分列八關扼諸蠻之要路屏藩一郡領金齒之上游

永平縣重巒鳥道西限瀾滄之險可稱永昌咽喉

通志

岷深澗僻地隘山高東連寶藏之雄西峙金滄之險為永郡之咽喉亦大理之犄角

按府城雄踞太保環衛眾山西有靈鷲之表延東有哀牢之聳峙石澗屏列於東北卧獅連亘於西南兼

以陂塘沁匯湖水淵澄百里平原兩江扼險謂之一方之大郡邊境之雄藩非歟騰越曩壤星羅郡山疊嶂雪峰踞其北球琤控其東鳳山南峙寶峰西拱真要地也永平襟山帶河崇巒僻徑雄連天馬之峰峻聳博南之嶺則論永昌者永平何可忽耶說者曰永昌為滇西門戶騰越又為永昌之門戶此其大端也抑知斯地也漢彝共處久矣野性難馴內外連疆實且犬牙相錯羊腸鳥道萬折千岐大澤深山藏奸伏莽苟非鎮撫得宜使之安於無事雖有兩江之險八

關之隘但恐患不生於所備而常生於所不備是又
撫茲土者所當留心也

永昌府地輿志卷六

山川

天地大塊也而良則為峙坎則為流所在皆有雖殊
形異勢咸得以山川概之滇處極邊而永昌又最遠
自大理以上采入其阻莽莽蒼蒼行者擬以蜀道凡
懸崖巨港半屬彝獠嘯聚之鄉然其間聳秀鍾靈藏
珍負異而為邱為壑為石為泉擅名一鄉者正自不
少今聲教四訖率土皆臣高黍下田民生攸賴更無
隙宇焉誠能因其要害疏培而整飭之則關梁水利

無不犁然各正矣志山川

保山縣

太保山

在府城西高數十丈嗟峨東向同橫二里明洪武間指揮胡淵增築新城羅此山於內山巔平

廣可習騎射掘地者往往得巨磚上有平好二字傳為武侯所遺山頂有武侯祠

寶蓋山

在太保山後高出衆山翔舞而下羣峯層疊拱之即之鎮山也

玉壺山

在太保山左石竇泉流澄清可掬每有雲從澗起漸穿松際直掛山椒朗如玉壺高舉

五福山

在寶蓋山之北

象頭山

在仁壽門外雄翼太保

九隆山

在龍泉門外太保山之南綿亘數百里高百丈餘世傳九隆氏兄弟居此山勢蜿蜒如羣龍並

立者然

石子山

在城西七里

瑪瑙山

在城西百里產瑪瑙石故名

茶山

在瑪瑙山後

哀牢山

在城東二十五里與太保山相向孤峯秀傑本名安樂夷語訛為哀牢頂有石穴土人呼為金

井春首視其盈涸以卜豐歉相傳武侯所鑿山下有石如鼻掛泉二道一溫一冷

狀元峯

在城南四十里孤峯秀出為府學朝山舊云府學面對狀元峯是也

龍祖山

在城南八十里高峯傑出為東南諸峯之祖故名

鳳溪山

在城東北三十里與哀牢並峙而稍峻

天井山

在城東北四十里岡嶺四繞中有平地可居

木鼓山

在鳳溪山之右高七里表七里

筆架山

在城東南三十里高百丈餘表二里形如筆架一名唵囉

法寶山

在城南十里與九隆相望沙河限之東臨諸葛堰昔異年尋於此建寺曰法寶因名

卧獅山

在法寶山之南五里以形名高百丈餘表二里俗名卧獅窩下有石洞曰芭蕉洞廣二尋高稱

之入深百五十步中有石乳燦爛如蓮如鐘如傘之異故又名石花

官市山

在芭蕉洞之南

峽口山

在城東南六十里下有石洞廣二丈洩一郡之水伏流出右甸枯柯入瀾滄江洞中多魚又曰

魚洞

靈鷲山

在城西北八里高並寶蓋延表七里餘山嶺舊有報恩寺俗呼為大寺山今遺址為園林

棲賢山

在城西北十里

白龍山

即阿邑山在城北十里東漢時有白龍之祥故名山舊有寺相傳明建文至永居於此賞事者

懼及禍俟其出潛焚其寺建文遂去寺今廢

虎嶂山

在城北二十里高百丈表三里許下有溫泉

龍王巖

在城北二十五里山勢甚高一山中斷二山壁立若斧劈然

雲巖山

在城北三十五里高二百丈餘盤迴三里樹木陰森巖深百步中有橫石長丈餘人鑿而為佛

建寺以覆之區曰雲巖卧佛其左有洞洞門高三尺深十丈寺外有臺池以供遊賞

石澗山

在城北三十里即阿由寨

甘松山

在城北五十里

五方山

在城西北五里高百丈餘絕頂可以遠望故名

大富山

在城西北三十里

銀壺山

在大富山之北坡上多白石狀若懸壺

羅岷山

在城北八十里高千大表四十里即瀾滄西岸也蒙氏時有僧羅岷自天竺來此作戲舞術石

亦隨舞今岸常有飛石過者驚趨又傳將曉時江中之飛石入霧表

摩蒼山

在施甸南孤峯聳拔直插雲表山頂可望數百里

甸頭山

在施甸西二十五里

碧霞山

在施甸之南

秀巖山

在碧霞山之左

石柵山

在秀巖山之西七里

茨竹坪

在永昌舊鎮姚所三十餘里路險仄接猛波羅界通志誤入永平今正之

和場山

在路江東三十五里

掌亢山

在和場南六十里

雷奔山

在和場東五十里

寶臺山

在城東北一百八十里僧祖復建寺於上山勢高峻雄峙萬峯中西南名區也

倒馬坎

在羅岷山一徑陡絕而下崎嶇曲折險峻倍於他處行者至此馬多困憊故以此名康熙二十五年總兵偏圖捐俸修鑿更為潤之砌石為級凡八百餘磴總兵周

化鳳又捐俸修之雖陡峻如故而寬舒可行無倒馬之憂矣

官坡在城東北四十里為入永大道崎嶇陡峻康熙三十四年總兵周化鳳捐俸修砌凡數百餘里行者

便焉

當歸坡在石柵西北二十五里其地產當歸故名

黃土坡在城東三十里

余家灣在黃土坡北五里

上水河

下水河俱在城內西南源出九龍池並寶蓋山泉合流入城經委巷出昇陽門下達東河

沙河在九隆法寶崖間源發北街交椅山及大雪山與仁壽泉環城而下夏秋水漲冲淹田廬為郡民患

道光四年知府陳廷靖親率民夫挑抗復捐買松種數十石徧種於山根簣脚以固其源

仁壽泉在保山象山兩崖間泉出山麓分三溝一由仁壽門城門下流入城內灌既園蔬東入荷花池

一由門外遠城東下一由紙房北折東流入青華海灌田二千餘畝

青華海在城東十里諸水所匯廣十餘里涸則週遭皆田漲則成海夏秋之間荷花甚盛

龍王泉在城北二十五里上有龍王祠俗呼為龍王塘泉由石穴湧出水流三溝上溝水分為七號由

龍潭經郎義村浮於中溝明嘉靖七年龍灘堤決知府董雍重修又於三十一年復決兵備副使郭春震

裁以磚石中溝初分為七十二號歲久壅於沙泥今存五十三號經流瓦礫村康熙初知府王家相重修

溝則彭拜入於東河不利灌既
清水河在城北五十里源出甘松坡會龍王泉繞鳳溪山南流入於峽口洞

郎義河

源出龍王泉入郎義村泛於北津合清水河南下流於峽口洞為東河

卧獅也

在卧獅山下泉流四時不竭灌田數百畝俗呼為小龍井

甸尾海

在城南三十五里源出海子溝黑龍井青龍洞諸水匯焉堤周入百丈灌田數千畝

小羅窰池

在秀巖山下源出山麓流經峽口洞入於瀾滄江

白龍山泉

源出本山後崖穴中山箐中多夷人居之故又名阿夷箐水可灌田數千畝

上江

在城西北一百四十里沿江為十五喧俱夷民所居按蜀都賦註云永昌有水出金如糠在沙中即此處

也

瀾滄江

在城北八十里羅岷山下漢書所謂博南蘭津也源出吐番其深莫測其流如奔東過順寧達

車里入南海漢明帝兵開博南行者愁怨作歌曰漢德廣開不賓渡博南越蘭津渡瀾滄為他人即此地

也蒙氏僭封為四瀆之一

潞江

在城西百里舊名怒江源出雍望經安撫司其深莫測兩岸平廣夏次多瘴毒難行昔渡以繩橋今

易以舟

杉木和河

在城東北一百二十里流出順寧入瀾滄江

龍陵廳

伏龍山

在正南五里突起一峯高數十丈週圍五里怪石嵯峨磊壘成峯山腰有井穴仲夏水盈有黑

魚自井中順流而出居民捕食其味鮮美相傳有蓮花開果結菩提之異因建菴焉蓋峯居正南屬火乃

文明之象建魁星閣於嶺又依巖傍石起殿結樓供文昌於上其中青松翠栢異卉奇花棲鶴啼猿鹿鳴

鹿伏誠龍陵一名山也

鰲頭山 在廳西北三里內龍陵橫岡有九惟中支旋入平川突起一小峯山形酷似鰲頭口吞大河之

水堪輿云有鰲無魁非善因建魁星閣於上取名鰲山魁閣云

獅子山 在鰲山之前形如卧獅乾隆三十四年征緬駐兵於此

小尖山 在廳正東三十里來龍橫岡上一峯直從如插筆高出四圍昔有土人採蘆其下迷失歸路有

一老叟蒼顏白髮引至山頂指示烟村方得歸路雖非仙山亦龍陵一文峯也

戶蚌山 在廳北三十五里通永城路

楊梅坡 在廳北十五里通騰越路

分水嶺 在廳東

邦武山 在廳南五十里芒市北三十里大兵征緬設木柵於下通二關路

拱抱山 在鎮安土城東通腊猛渡口

三台山 在芒市南六十里分上中下三台設汛防官兵鎮守有營柵

五峯山 在路

潞江 在廳左

龍江 在廳右

猛淋河 在廳東北三里其源三小河匯歸核桃冲大河山象山脚繞壩內由鰲山口西流六十里通龍江

下坪河 在廳西南至兩交水匯歸西流大河

香栢河 在廳北四十里由黃草壩轉戶蚌山出香栢橋通龍江

一帶河

在鎮安壩內由石巖穴流出

戶煥河

源在芒市北三十里自放馬廠石橋出兩叉樹繞壩內通三台山左出遮放怕兔又名遮放河

通龍江

三十六道河

在三台山下遮放東北六十里河在深箐

箐口故名今已改十數道名猶存焉

騰越廳

秀峯山

在城內學前峯小而秀上建有文星閣一廳之風脉係焉舊志謂凡有修葺則必有登科第者

球琤山

在廳東五里下陡上平明正統間征麓川於此立寨

巔峻山

在廳東十五里

赤土山

在廳前三十里

高黎貢山

在廳東一百二十里舊名崑崙岡又名高崙山夷語訛為高黎貢界龍潞二江之間蒙氏

僭封西嶽山勢極高峻自下而上東西各四十里天霽可望吐番之雪山絕頂有泉東流永昌西流騰越

又名分水嶺

羅生山

在廳東南二十里峯巒千丈橫岡百里

來鳳山

在廳南四里古名龍鳳山不甚高大然明秀甲于眾山雖有峻出者皆為之拱揖儼如巨屏為

一方之鎮嵐靄凝結竹樹葱蒨中有禪苑遊賞絡繹

飛鳳山

在廳北七里以形似故名

團山

在廳南八里溪水遶之林木蒼然其形似龜

馬峯山 在廳東十五里又名長洞

雲峯山 峻峭如直筆插天上有玉皇閣騰越目為第一靈山

水尾山 在馬峯山南一里

羅左衝山 在廳南二十里

半箇山 在廳南六十里上有鎮彝閣即南甸界懸巖峭壁足為華彝之障

長洞山 在赤土山之西

大洞山 在城東南十二里

清水朗山 在廳南二十里

矣散山 在廳南二十五里

天馬山 在廳東一百四十里以形似名

馬鞍山 在廳西十五里以形似名

附邱山 在廳西三十里

羅矣坪山 在廳西南三十里

寶峯山 在廳西三十里上有寶峯寺為摩伽陀禪定之所又名擂鼓山相傳武侯駐兵擊鼓其上

緬箐山 在廳西三十里

猛蚌山 在廳西一百里

尖山 有二一在廳西一百二十里上峭下廣一在烏索者甚奇秀

阿幸山 在尖山西一里

檳榔江	源出吐番入廳西界會
大盈江	流為羅生場河經流城之東北而西三水合于江
白石崖	在城西北
赤山崖	在城西北
黃土坡	在廳東六十里
橄欖坡	在廳東六十里
鴉鳥山	在廳治西百里

明光山	在廳北二
小甸山	在廳西北一百三十里
上干峨山	在廳北二十五里上有金塔坡世傳
瓦甸山	在廳北
雪山	在廳北九十里三
灰窑山	在廳北
集鷹山	在廳西二十五里先時林
龍從山	在廳北三十里勢極高峻雲
下干峨山	在廳北十里山上皆

龍川江

江源有三一發源七藏甸為明光河流至莫落河通固東河又一流由阿幸至烏索固東二河會之為灰窑江逾山峽中深不可測兩崖逼近俗呼為天生橋流至曲石江一發源界頭甸馬鹿塘一發源雪山之麓雙河入瓦甸河混泥河經界尾亦至曲石會眾流而東延高崙山足蜿蜒數百里若龍驤然故名由此過隴川通猛密所部莫勒江去騰益遠至太公城乃會大盈江轉而南下江頭城入於南海

馬邑河

在廳東北十五里

筒車河

在廳北五里

飲馬水河

在廳東半里

馬常河

在廳北七里

瓦甸河

源出界頭馬鹿塘經混沌河與曲石江合流入龍川江

固東河

在瓦甸之下流

合澤河

在鎮彝關外四十里

球琿山泉

有二穴上穴周三尺下穴周一尺上穴流經下穴注為伽河池

永平縣

花橋山

在縣西南三十五里高二十丈上有鐵礦今奉禁不開

博南山

在縣西南四十五里一名金浪巔俗說為叮噹山高二十里崇坡峻坂委曲嶙峋為西郵通衢

漢以此山遂名為縣

和邱山

在縣西三十里高可千餘仞盤迴五十里山頂雲合即雨眾峯聳秀為遠近所矚目

羅木山

在縣北八里翠列三峯其峯狀如筆架西臨銀龍江

天馬山 在縣東五十里以形似得名

七盤山 在縣西北三十五里

阿荒山 在縣北銀龍江發源於此

羊街山 在羅木山北百里山半有泉湧出是為一碗水

寶藏山 在縣東七十里一名觀音山迥然天際俯視萬峯相傳武侯南征至此迷道一老嫗呼犬從絕

徑出始得路因建廟於上俗名娘娘廟

靈化山 在縣北銀龍江上游峯巒聳秀上有王皇閣靈應屢著邑人多祈福於此

羅武山 在縣東百里勢極高峻有泉流為勝備江

萬松山 在縣東北五十五里萬松挺立故名

繡嶺山 在縣東一百七十里山花如繡故名又名橫嶺山

白石山 在漾濞江西距縣二百餘里其山圍蒼翠中有白石高懸下為白石寺巖上有碁床仙跡

飛鳳山 一名驚嶺山在漾濞雲龍橋西距縣二百里其山峯特出衆山之表兩翅飛舞如鳳故名山麓

有武侯祠

黃龍山 一名象鼻嶺在漾濞河西距縣二百里

銀龍江 在縣東一名太平河其源一出阿荒山一出羅武山合流經城東出順寧入瀾滄江

雙橋河 在縣東八十里發源上西里流經永定鋪東二里許匯諸澗水入於勝備江

勝備江 在縣東百里源出羅武山流經縣東南合九溪雙橋二河達於蒙化入於碧溪江

九渡河 在縣東北五十五里源發勝備江沿山遠流上跨九橋